

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. VII. Attritio supernaturalis orta ex timore poenae &c. excludit voluntatem peccandi de caetero. Falsò dicitur quod sit coacta. Libera est prorsus & voluntaria.

urn:nbn:de:hbz:466:1-11367

lis, quam Tractatu sequenti describemus: & hanc solam dicimus ad justificationem conducere.

§. VII.

Attritio supernaturalis orta ex timore pœnae &c. excludit Voluntatem peccandi de cætero. Falsò dicitur quod sit coacta: libera est prorsus & Voluntaria.

*Secunda
objec^{tio}
Neoterici.*

Alterum quod in Attritionem telum intorquebat Neotericus 47. supra n. 28. ex seriâ peccati commissi retractatione petebatur. Certum enim est & indubitatum, pœnitentem criminis, ita debere esse mente constitutum, ut voluntatem omnem committendi deinceps sceleris excludat cuius commissi jam pœnitit, prout Tractatu 12. n. 23. explicuimus. Atqui, inquit Neotericus, omnis attritio ex timore pœnæ dicens originem, inuoluntaria prorsus est & coacta; & sic peccato abstinet pœnitens, ut voluntatem illud rursus committendi, reipsâ retineat si tormenta æterna non deterrent: igitur pœnitentiæ rectè exigendæ, dolor ex timore conceptus prorsus est inutilis.

*Datur ti-
mor aliquis
malus, &
qui volun-
tatem pe-
ccandi re-
tineat.*

Ingentem in aduersariorum scholis atque animis plausum concitauit hæc objectatio, præsertim plurimis D. Augustini suffulta locis, quibus eiusmodi pœnitentes grauissime prosequitur Sanctus Doctor, & verò etiam jure meritissimo perstringit. Attamen & laruam argumentationi fucata facile est admodum detrahere, & rem omnem quam tenebris conantur obducere, Sole clariū explicare. Respondeo itaque verissimum id esse, fieri omnino posse, ut qui ob metum gehennæ sceleribus abstinet, voluntatem peccandi retineat nihilominus, eademque sit paratus reipsâ committere, si aut inferni ignes non essent, aut illo supplicio peccata non plesterentur. Atque in hisce fateor non esse prorsus voluntariam à peccatis abstinentiam, sed magnâ ex parte inuoluntariam, & coactam pereundi discrimine. Sic rectè dixeris, mercatorem, qui tempestatis euadendæ studio merces in altum proiicit; non tam voluntate id agere, quam mortis imminentis coactum periculo; neque si bona abiicit, animum idcirco deponere ea retinendi, si tempestas non vrgeret.

Rufus



Rursus nec latro aut lupus, vt rectè Augustinus vrget, hic ab ouili, à domo cui expilandæ inhiabat, arceatur alter, accurrentium suaque propugnantium vi & impetu, idcirco prædandi desiderium deponit, quamvis pœnarum infligendarum metu, ingressum dissimulet & à vi inferendâ abstineat: abstinet enim, sed coactus. Rectè, inquam, dicuntur hæc omnia; certumque est, suppliciorum metu deterritos, à peccatis absistere quamplurimos, qui tamen inuiti abstinent; obfirmatamque voluntatem peccandi præ se ferunt, si tanta supplicia aut non irrogarentur reis aut ea daretur euadere. Atque hi sunt, quos in locis omnibus allatis à Neoterico egregiè exagitat Augustinus, tamquam fucatè pœnitentes. Etenim re verâ non peccatum exhorrescunt eiusmodi homines, cuius perpetrandi flagrant desiderio, sed solam pœnam timent; neque tam desiderant benè agere, quæ sibi cauere ne sit male. Sic autem pœnitentes, minimè absolui, nec per Confessionem reconciliationis gratiam impetrare, indubitata res est, & in confessio. Neque quidquam præterea ex Augustino exprimet tota Neoterici argumentatio.

Verùm quâ tandem ratione euincet, nullam aliam, præter

49. hanc quæ falsa est & ementita, Attritionem dari posse aut quæ ex metu pœnarum exorta, verè & ex animo commissum crimen de-<sup>Non omnis
timor talis
est.</sup>
testetur: hoc certè nusquam docet Augustinus; neque quæ affe-
runtur loca hoc vsquam insinuant. Et tamen istud erat euin-
cendum; in hoc versabatur cardo controversiæ.

50. At inquires, omni hoc timori ingenitum est, vt voluntas agen-^{D. Augu-}
di in timente maneat, si pœna quæ metu causa est, per actio-^{stinus nuf-}
nem incurrenda tolleretur. Hinc dicit Neotericus, *verissimum*<sup>quam dicit
è naturâ
timoris esse,</sup>
*esse quod dixit, in omnibus illis qui solo timore pœnæ peccatum ca-
uere volunt, manere voluntatis repugnantiam quâ nollent facere si
pœna tolleretur; & ex illâ ipsâ conjunctâ voluntate, omnes coram Deo
peccati esse reos ita ille.* Nihil certè amplius dixit Lutherus vti vi-<sup>retinere vo-
luntatem</sup>
dimus supra n.6.& 7. ob hoc tamen dogma à Tridentino hæresis
condemnatus. An non ergo & cum Luthero, Neotericus hic eo-<sup>conditiona-
tam facien-
di id quod
ex metu</sup>
dem fulmine perstringitur? verùm hoc nunc non ago. Hoc
tamen peto; cum eam esse timoris *naturam*, dicat apertissimis
D. Augustini testimoniis comprobari, vbinam Sanctus Doctor
afferat, omni omnino timori id esse congenitum, quod afferit
Neotericus? Aliquem tales dari fateor, & plurimos ex eo pœ-^{non facit.}
nitendi

nitendi materiam petere, quos *procul dubio inuitos pœnitentes* vocat Augustinus, & rectè: malunt enim peccare, & tantum coacti nolunt, *& in ipsâ voluntate intus rei sunt*: Fateor, inquam isthæc omnia. Sed D. Augustinum afferere, omnis timentis eam esse naturam, ut reipsâ velit agere quod metus prohibet, si metuendi causa tolleretur; hoc quidem prorsus nego aut assertum ab Augustino, aut ratione bonâ afferi potuisse.

*Conversus
experiens
multiplici
demonstra-
tur in rebus
naturali-
bus*

Quid enim? an mihi quispiam persuaserit, ea omnia velle me, à quibus metu alicuius incommodi, aut mali naturalis nunc abstineo, datâ conditione quodd malum aut incommodum à re agendâ tolleretur? si placet mentem aduertite & videte, quām hoc omni timori connaturale non sit aut ingenitum. E turri non desilio, mortis ex tam immani saltu certissimè incurrendæ metu perterritus. An idcirco reipsâ voluntatem conditionatam habeo desiliendi, si mors lapsui connexa non esset? Domum peste infectam non subintro morbi contrahendi metu: an ideo voluntatem habeo subeundi domum illam, si pestis infamiâ non laboret? Vester à pice amoueo, eas ne inficiam: an quia id metuo, voluntatem habeo conditionatam, quâ statuo eas pici immergere, si liquidior esset neque tam sordida & tam viscosa materia? Ab igne manus abstineo vſtulationis timore: an quia illo metu perterritus, flammæ manus non committo, illico eâ mente sum, vt si ambustionis abesset periculum, flammis eas sim immisurus, complexurusque ignem lepidè, aut suauiter desuauiaturus elementum tam amœnum? Quis isthæc pro fano dicta dixerit? Evidens itaque est, dari timorem aliquem, quô præstricta mens ab aliquâ actione desistit, nec tamen ita sit constituta, in actionem eam proruptura vt sit, si timoris causa detergatur. Non igitur ex ipsâ timoris naturâ id colligi dicat Neotericus, quod cuidam timori inest, & non omni: neque à particulari timentis genio ad timoris naturam vniuersim condemnandam progrediendum est. Non satis apta persuasioni est ista collectio; neque à particulari specie, ad genus vniuersum, legitima est argumentatio.

*Neotericus
argumen-
tatur à
particulari
timore, ad
vniuersa-
lem timo-
ris natu-
ram.*

*alterwthr
infiniti pec-
catoris, qui*

Ac sic dico, quamvis sit qui timore pœnæ peccatis sic abstinet, vt ea perpetrare desideret voluntate conditionatâ, si pœnæ date-
tur indemnitas; tamen id non tam ex ipsâ timoris naturâ proue-
nire, quām ex timentis vitio. Certum est enim infinitos esse homines, qui gehennæ metu perculsi peccata detestantur, abso-
lutâ

51.

52.

luta omnino voluntate id agere; neque ipsis conditionem ullam
 (v. g. si infernus non esset, si peccata non punirentur) ne in
 mentem quidem venire. Quo pacto autem conditionatam vo-
 luntatem peccandi efformabunt, si illis conditio nulla aut à men-
 te obiicitur, aut ab alio proponitur? hoc certe est impossibile.
 Atqui qui sic crimina detestantur, sunt numero infiniti. Ode-
 runt, inquam, absolutè scelus, quod vident esse eiusmodi ut æter-
 nis ignibus merito castigetur; prout sequenti Tractatu, cum de
 modo Attritionem ex timore pœnae efformandi agetur, explica-
 bimus: de conditionatâ autem peccandi voluntate, ne quidem
 ipsis incidit cogitatio. Absit igitur ut reipsâ eiusmodi voluntas
 sit efformata, & timori pœnae semper ut sit conjuncta, quod ta-
 men volebat Neotericus.

53. Verum quid multis opus est? Evidentissima ea est Concilij Tridentini mens, detestationem eiusmodi absolutam scelerum,
 concipi & dari posse. Ita certe loquitur: *Illam contritionem im-
 perfectam, quæ Attritio dicitur, quoniam vel ex turpitudinis peccati
 consideratione, vel ex gehenne aut pœnarum metu communiter conci-
 pitur, si voluntatem peccandi excludat cum spe venie, declarat.....
 verum donum Dei esse & Spiritus Sancti impulsum.* Quid potest
 dici manifestius? certe cum Attritionem ex timore conceptam,
 verum Dei donum esse doceat, si voluntatem peccandi excludat,
 indubitatim statuit attritionem illam, voluntatem peccandi ex-
 cludere posse; alioquin elanguida prorsus esset, imò & deridicula
 definitio rei, quæ naturâ suâ sit impossibilis. Quomodo autem ti-
 mor ille voluntatem peccandi potest excludere, si semper, & qui-
 dem ex timoris naturâ, peccandi voluntas conditionata attri-
 tionis sit implexa? Rursus, quo pacto *Spiritus Sancti* impulsus est,
 id quod sine peccato non exercetur? An eò tandem miseriatur
 fortè cum Caluino deuenimus, ut ad peccandum à Spiritu San-
 cto impellamus? & talis impulsus dicitur donum Dei? Quis hæc
 audiat & non exhorrescat? & tamen ex aduersariorum sententiâ,
 vtrumque, yti patet, sequitur liquidissimè.

54. Denique coactam & inuoluntariam esse scelerum abstinen-
 tiam quæ ex gehennæ metu dicit exordium, non est quod mul-
 tis oppugnem. Satis enim constat, timorem dari, qui adeò
 non tollat voluntarium, ut eum potius augeat. Item à verita-
 te prorsus alienum est, inuitum me facere quidquid ex metu ago.

G g g

Et

*de conditionatâ
 ne, si infer-
 nu non
 esset, ne
 quidem co-
 gitant. At-
 teruntur
 igitur ab-
 solutè.*

*Probatur
 ex Tridentino.*

*Falsum est
 quod At-
 tritio sit
 a factus con-
 dus.*

*Probatur
ratione.*

Et vt id in actionibus positiuè, vt dicunt, faciendis verum esset, non tamen in omni abstinentiâ actionum id locum habet, à quibus exercendis metu mali abstineo. Nam vt exemplis n. 51. allatis vtar; à saltu è turri in subjectam planitiem faciendo, quamvis metu mortis abstineo, non tamen inuitus aut voluntate reluctante. Nec si pestis metu, domum infectam deuito, deuito inuitus. Nec pice si abstineo aut flammis, idcirco vllam sentio animi repugnantiam, aut lubentiam. Non igitur timori omni id est congenitum, vt vim inferat voluntati, eamque vt ab actione, reluctantem & inuitam remoueat. Sanè voluntate prorsus liberâ, Timorem gehennæ partes suas agere Tractatu sequenti demonstrabimus. Sufficit modò ostendisse me, non omnem pœnitentiam & abstinentiam à peccato quæ ex timore concipitur, coactam esse, & ab inuito animo concipi. Neque etiam tot verbis opus erat, vbi ea est clarissima Lutherum condemnantis Concilij Tridentini definitio. Ita habet. *Sed & falsò docent (nempe hæretici) contritionem esse extortam & coactam; non liberam & voluntariam.* Quid clarius? & rufius. *Si quis dixerit eam Contritionem (scilicet imperfectam) esse dolorem coactum, & non liberum ac voluntarium; anathema sit.* Quid dici potest vehementius? Canonem integrum superius retuli. n. 17. neque tam sancto oraculo fas sit mihi quidquam superaddere.

*Definitorum
id est à
Tridentino.*

*Sup. c. 4.
in fine &
can. 5.*

§. VIII.

Attritio supernaturalis ex timore pœnae &c. concepta, sufficit ad obseruandam totam legem: eamque qui ex tali timore obseruat, obseruare ex amore iustitiae demonstratur. Ostenditur quod male ab aduersariis explicetur Amor Iustitiae.

*Tertia ob-
jectio Neo-
terici.*

Vltimum quod Attritioni, quâ minus apta sit peccati medica, obuoluebatur vitium & conuitum, est, quod nullius fiat peccati remissio, nisi detestanti omnia, & quidem cum firmo animi decreto obseruandi totam Dei legem: & tum à commisso scelere, tum ab omnibus omnino deinceps abstinenti. Talis autem voluntas ex timore non potest elici, cùm istud Chari-

55.